

2025EKO IRAILAREN 25EAN TOKIKO GOBERNU BATZORDEAK EGINDAKO OHIKO BILERAREN AKTA

MODUA: Presentzialki

TOKIA: Batzar aretoa

EGUNA: Hogeita bosta

HILABETEA: Iraila

URTEA: Bi mila eta hogeita bost.

HASIERAKO ORDUA: Arratsaldeko bostak eta erdi

BATZARRALDIAREN IZAERA: Ohikoa

DEIALDIA: Lehena

OSATZEN DUTEN PARTAIDEEN KOPURUA: Sei (6)

MAHAIBURUA: Leire Artola Ugalde (EAJ-PNV)

BILDUA: Adur Ugartemendia Leunda (EAJ-PNV)

Mariola Pascual Paredes (EAJ-PNV)

Hasier Agirre Elkoroberezibar (Beasaingo EH Bildu)

Eva Alvarez Atanes (Socialistas Vascos-Euskal Sozialistak)

Wesley Aritz Corsitto Agirre (ELKARREKIN PODEMOS EZKER ANITZA / IU-ALIANZA VERDE).

IDAZKARIA: ITZIAR AROZTEGUI APAOLAZA

1.- AURREKO AKTAK: 2025-07-24ko aktaren onespena.

Akten berri eman ondoren, aho batez onartu da.

2.- HERRITARRAK ARLOA:

a.- HITZARMENA: BEASAINGO UDALA ETA EUSKAL FONDOA. 2025BIBO0005

Ezagutzera eman da Herritarrak batzordeko proposamena:

“AURREKARIAK

- I. *Euskal Fondoaren erakundearen helburua garapen bidean dauden herrialdeekin lankidetzan aritzea da, garapen ekonomiko edo sozialerako edota sentsibilizaziorako egitasmo eta programak sustatuz, finantzatuz edo kudeatuz.*

Hori guztia kontuan hartuta, Udalbatzak, garapenerako lankidetzaren ekintzetarako Udal laguntzen banaketa kualifikatuagoa egite aldera, Euskal Fondoaren bazkide egitea erabaki zuen 2014ko abenduaren 18an.

- II. *Euskal Fondoak, 2025erako aurkeztutako finantzaketa-proiektuen berri eman dio Udalari.*

- III. 2022-12-13ko 2022/1979 Alkatetzaren Ebazpenaren bidez onartutako 2023-2025 diru-laguntzen plan estrategikoak
- IV. (azken aldaketa 2025eko apirilean egin zen) 1. helburu estrategiko gisa gizarte-ekintza sustatzea aurreikusten du (1.4 diru-laguntza ildoak: Gizarte-lankidetzak eta garapenerako laguntza), eta 2025erako Udaren Aurrekontu Orokorren transferentzia arrunten eranskinean Euskal Funderaren aldeko diru-laguntza izenduna aurreikusten da.

LEGERI APLIKAGARRIA

- 38/2003 Legeak, diru laguntzen lege orokorrak, 22.2.a) artikuluan aurreikusten du toki erakundeen aurrekontuetan modu nominatiboan aurreikusitako diru laguntzak zuzenki emateko aukera.
- 38/2003 Legeak, diru laguntzen lege orokorrak, 28. artikuluan xedatzen du hitzarmena izango dela toki erakundeen aurrekontuetan modu nominatiboan aurreikusitako diru laguntzak bideratzeko ohiko tresna.
- Euskadiko Toki Erakundeei buruzko apirilaren 7ko 2/2016 Legearen 37. artikulua berezko eskumen gisa aurreikusten du garapenerako lankidetzak alorreko politikak planifikatzea, antolatzea eta kudeatzea, eta Euskal Autonomia Erkidegoko Garapenerako Lankidetzari buruzko otsailaren 22ko 1/2007 Legeak, 14. artikuluan, eskumenak ematen dizkie udalei, egoki irizitako garapenerako lankidetzak-programak edo -ekintzak gauzatzeko.

Horren ondorioz, Herriarrak Batzordeak Tokiko Gobernu Batzordeari ondorengo erabaki proposamena egiten dio:

Lehenik. Euskal Funderari 104.800€ko dirulaguntza onartzea (2025eko aurrekontuan nominatiboki aurreikusi) honetarako:

- Euskal Funderaren bazkide kuota ordaintzeko (3.146,46€).
- Honako proiektuak finantzatzeko, adierazitako zenbatekoetan:

-54.347,83€: P374-25. Habanako Historialariaren Bulegoak garatzen duen Adineko Helduentzako Arreta Integraleko Programa sendotzea, lurraldeko adineko pertsonen zahartze osasuntsuaren eta parte-hartze sozialaren estrategiak sustatuz. 2. Fasea

-23.652,85€: P383-25. Genero-berdintasuna bultzatzea Alta Verapaz udalerriko 7 udalerritan. 1. fasea. (Guatemala).

-23.652,86€: P384-25. Handikazko merkaturak eraikitzea, emakumeen lidergoarekin. Tactic. 1. fasea. (Guatemala).

Bigarren. Beasaingo Udala eta Euskal Funderaren artean sinatzeko hitzarmenaren testua onartzea.”

Hitz egiteko txanda eman ondoren, bildutakoek proposamenarekiko adostasuna azaldu dute.

Bozketa eginda, aho batez onartu da proposamena.

b.- BEASAINGO UDALERRIAN GIZARTE ETA HEZKUNTZA-ARLOAN ETA ARLO PSIKOSOSIALEAN ESKU HARTZEA KONTRATUAREN LUZAPENA (2021BIBO0007).

Ezagutzera eman da Herriarrak batzordeko proposamena:

“Gaia: Gizarte eta hezkuntza arloan eta arlo psikosozialean esku-hartze zerbitzua emateko Lorratz Elkartearekin sinatutako kontratuaren luzapena.

AURREKARIAK

I.- Egungo kontratua 2025-09-30ean amaitzen da, eta bi lizitatzailerik parte hartu zuten lizitazio-espeditua izapidetu ondoren (2025-07-24ko Tokiko Gobernu Batzarra), 2025-07-21eko kontratazio-mahaiak proposatuta, IZAN INTERVENCIÓN FAMILIAR Y COMUNIDAD, S.L. enpresari esleitzea erabaki zen, puntuazio handiena duen enpresa baita.

II.- Beste enpresa lizitatzailerik, ASOCIACIÓN LORRATZ GIZA ELKARTEAK, kontratazio-errekurtso berezia aurkeztu zuen KEAOn, kontratazio-plataforman argitaratutako C artxibo elektronikoaren aktan aipatzen den kontratazio-mahaiaren esleipen-proposamenaren aurka.

III.- KEAOn kontratazio-espeditua eta eskatutako txostena bidali ondoren, gaur egun oraindik ez du errekurtso berezia ebatzi. Errekurtsogileak eskatutako prozedura eteteari buruz ere ez du iritzirik eman, baina Udalak ez zuen berariaz aurka egin, kontuan hartuta jokoan egon daitekeela langileen subrogazioa.

Segurtasun juridikoa dela eta, komenigarritzat jo da prozedura etetea eta SPKLren 29. artikuluan ezarritako mekanismoa erabiltzea.

IV.- 2025-09-11n bidali ziren txostenak.

- Kontratuaren arduraduna, kontratazioa ez eteteko dagoen interes publikoaren berri emanez.
- Idazkaria, jarraitu beharreko prozeduraren eta horretarako eskumena duen organoaren berri emanez.

OINARRI JURIDIKOAK

Sektore Publikoko Kontratuen azaroaren 8ko 9/2017 Legearen 29,4. Artikulua.

Ondorioz, Herritarren Batzordeak Tokiko Gobernu Batzarrari aurkeztu dio honako erabaki-proposamen hau:

Lehenengoa. LORRATZ ELKARTEAren sinatutako gizarte eta hezkuntza arloan eta arlo psikosozialean esku-hartze zerbitzuaren kontratua (2025-09-30ean amaitzen da) luzatzea.

Bigarrena. Luzapenak 2025-10-01etik aurrera izango ditu ondorioak, KEAOk kontratazio-errekurtso berezia ebatzi arte, eta gehienez ere bederatzi hilabetez.

Hirugarrena. Luzapena 2021eko irailaren 28ko jatorrizko kontratuaren baldintza berberetan egingo da.

Jarraian Idazkariak ondorengoa esan du: KEAOk 2025-09-19 bidali zuen Ebazpena eta ez du onartu Lorratz Elkartea aurkeztutako errekurtsoa. Lizitazio berria etenda egon da OARC-eko Ebazpenaren baitan. Orain prozedura berriro ere martxan jarriko da eta behin betiko esleipena egingo da baina kontratua harmonizatua denez, esleipena jakinarazten zaienetik 15 lanegun pasatu arte ezin da kontraturik egin.

Horrek esan nahi du erabaki-proposamenaren bigarren puntua aldatu egiten dela. “Luzapenak 2025-10-01etik aurrera izango ditu ondorioak, KEAOk kontratazio-errekurtso berezia ebatzi arte, eta gehienez ere bederatzi hilabetez.”, esaten duen tokian ondorengoa esan behar du: Luzapenak, 2025-10-01etik aurrera izango ditu ondorioak eta behin betiko esleipena egin eta esleipendun berriarekin kontratua sinatzen denean izango du amaiera.

Hitz egiteko txanda eman ondoren, bildutakoek proposamenarekiko adostasuna azaldu dute.

Horren ondorioz, bozketa egin da eta aho batez onartu da proposamena.

3.- LURRALDE BATZORDEKO PROPOSAMENAK:

a.- KONTRATAZIOA

- ONDORIORIK GABE UZTEA IGARTZA JAUREGIAREN BARRUKO ARGITERIA ETA IGARTZAKO MONUMENTU MULTZOAREN KANPOKO ARGITERIA HORNITZEKO ETA

INSTALATZEKO LIZITAZIOA (2025PROB0008), EUOPAR BATASUNAK FINANTZATUTAKO NEXT GENERATION EU BERRESKURATZE-, ERALDATZE- ETA ERRESILIENTZIA-PLANAREN BARRUAN. (2025PROB0008).

Ezagutzera eman da Lurralde batzordeko proposamena:

AURREKARIAK

- I. 2025-05-21. Proiektua Gipuzkoako Foru Aldundiko Ondare Departamentura bidali zen.*
- II. 2025-06-26. Gobernu Batzordeak, Igartza Jauregiko, 5Igartzako Burdinola eta Igartzako Errotako barne-argiztapena eta Igartzako Monumentu Multzoaren kanpo-argiztapena instalatzeko hornidura-kontratua, Eraldaketa eta Erresilientzia Berreskuratze Planaren esparruan – Europar Batasuna - NextGenerationEU finantzatua, ohiko prozedura irekiaren, erregulazio armonizatuaren menpe, bidezko kontratazioa arautzeko baldintzak onartu zituen.*
- III. 2025-06-04 Igartza Jauregiko, Igartzako Burdinola eta Igartzako Errotako barne-argiztapena eta Igartzako Monumentu Multzoaren kanpo-argiztapena instalatzeko hornidura-kontratua, Eraldaketa eta Erresilientzia Berreskuratze Planaren esparruan – Europar Batasuna - NextGenerationEU finantzatua lizitazioa Euskadiko Kontratazio Plataforman argitaratu zen eta proposamenak aurkezteko epean lizitatzailer bat aurkeztu zen.*
- IV. 2025-07-21. Gipuzkoako Foru Aldundiko Ondare Departamentuaren ahozko jakinarazpena eman zuen, argiztapen-proiektua egokitze jotzen ez dela eta hainbat elementu aldatu behar direla adieraziz.*

OINARRI JURIDIKOAK

Legeria aplikagarria:

- 9/2017 Legea, azaroaren 8koa, Sektore Publikoko Kontratuena, Europako Parlamentuaren eta Kontseiluaren 2014ko otsailaren 26ko 2014/23/EB eta 2014/24/EB zuzentarauen transposizioa egiten duena Espainiako ordenamendu juridikora.*
- 6/2019 LEGEA, maiatzaren 9koa, Euskal Kultura Ondarearena.*

Lizitaziora aurkeztu zen enpresa bakarraren eskaintza aztertu ostean haren guztizko puntuazioa 100etik 59,76 puntukoa izan zen eta kontratazio mahaiak. Esleipen-proposamena egin zuen.

Gipuzkoako Foru Aldundiko Ondare Departamentutik jasotako jakinarazpenak adierazten zuenez, proiektuan proposatutako argiztapen mota eta bertan xedatutako tipologia desberdineko argi kopurua ez dira egokitze jotzen, eta proiektua aldatu eta Gipuzkoako Foru Aldundiko Ondare Departamentuaren jarraibideetara egokitu behar da.

Ondorioz, Lurralde Batzordeak honako erabaki-proposamena aurkeztu dio Tokiko Gobernu Batzarrari, azter dezan:

Lehenik. *Ondorengo lizitazioa hutsik uztea: Igartza Jauregiko, Igartzako Burdinola eta Igartzako Errotako barne-argiztapena eta Igartzako Monumentu Multzoaren kanpo-argiztapena instalatzeko hornidura-kontratua, Eraldaketa eta Erresilientzia Berreskuratze Planaren esparruan – Europar Batasuna - NextGenerationEU finantzatu, eraginik gabe uztea, proiektua Gipuzkoako Foru Aldundiko Ondare Departamentutik jasotako jarraibideei egokitzeko.*

Bigarren. *Erabaki honen berri TECUNI, S.A., enpresa lizitatzailerari ematea eta kontrataziorako plataforman argitaratzea..”*

Hitz egiteko txanda eman ondoren, bildutakoek proposamenarekiko adostasuna azaldu dute.

Horren ondorioz, bozketa egin da eta aho batez onartu da proposamena.

- PROZEDURA HARMONIZATU IREKI ARRUNT BIDEZ, BEASAINGO IGARTZA JAUREGIKO, IGARTZAKO BURDINOLAKO ETA IGARTZAKO ERROTAKO BARNE ARGITZAPENA, ETA IGARTZA MONUMENTU MULTZOKO KANPO ARGITZAPENA GAUZATZEKO HORNIDURA ETA INSTALAKUNTZA LANAK KONTRATATZEKO PROIEKTUA ETA KLAUSULA ADMINISTRATIBO ZEHATZEN PLEGUAK ONARTZEA. EUROPAR BATASUNAK FINANTZATUTAKO BERRESKURATZE, ERALDATZE ETA ERRESILIENTZIA-PLANAREN BARRUAN – NEXT GENERATION EU (2025PROB0014).

Ezagutzera eman da Lurralde batzordeko proposamena:

Lurralde Batzordeko proposamenaren berri eman da: Aipatutako hornidura kontratatzekeo proiektua eta baldintza administratiboa onartzea eta lizitazioa, deialdia publikoaren bidez egitea Europar Batasunaren Aldizkari Ofizialean eta Euskadiko kontrataziorako plataforman iragarkia argitaratuz:

- 1.- *Prozedura: irekia publizitatearekin. Lizitazio elektronikoa.*
- 2.- *Izapidetzea: arrunta eta harmonizatua*
- 3.- *Lizitazio prezioa: 469.460,35 €, + BEZ (hornidura: 293.341,47 € eta instalakuntza: 101.163,57 €).*
- 4.- *Egikaritze epea: 14 aste kontratua. Kontratuari hasiera emateko data: zuinketa akta sinatzen den hurrengo egunetik aurrera.*
- 5.- *Kaudimen ekonomiko, finantzarioa: Urteko negozio-bolumena, kontratuaren esparruari dagokiona. Azken hiru urteetako ekitaldi oneneko negozio-bolumena izango da; kontuan hartuta enpresaburuak enpresa noiz sortu duen edo jarduerak noiz hasi dituen eta eskaintza noiz aurkeztu duen. Zenbatekoa: 704.191,50 € gutxienez.*
- 6.- *Kaudimen teknikoa: Azken hiru urteetan kontratuaren helburu diren antzeko hornidurak burutu izana, gutxienez kopuru hau dutena: 328.622,70 €. Tituluak: Kontratuaren arduraduna (Ingeniaritza, ingeniaritza teknikoa edo ingeniaritzan gradua edo antzeko titulua izatea) instalatzailea (erdi-mailako prestakuntza-zikloa edo LH1, goi-mailako prestakuntza-zikloa edo LH2, adar elektrikoan edo elektronikoan, edo ingeniaritzako graduak.*
- 8.- *Aurkezteko epea eta lekua: 30 egun natural, lizitazio iragarkia Europar Batasuneko Argitalpen Bulegora bidaltzen den egunetik zenbatzen hasita. Lizitazio elektronikoa.*
- 9.- *Adjudikazio irizpideak:*

Formula automatikoen bidez baloratzen ez diren irizpideak (50 puntu)

Formula automatikoen bidez puntuatzeko irizpideak. (50 puntu)

- Eskaintza ekonomikoa. 40 puntu.

- Ekipamendu eta instalazioen berme-epea handitzea: 10 puntu.

Prezioarekiko eskaintza anormalki baxutzat joko da onartutako eskaintzen batez bestekoa baino 15 puntu txikiagoa den baxea duena. Eskaintza ekonomikoaren bideraezintasuna zehazteko parametro objektibotzat hartuko dira soldata-betebeharrei, gizarte-segurantzako kotizazioei, absentismoari, prestakuntzari, mediku-azterketei eta abarri erantzuteko beharrezkoak diren kostuak estaltzera iristen ez direnak.

10.- Proposamenak irekitzeko lekua, eguna eta ordua: plika irekitzea kontratistatzailearen profilean argitaratzen den tokian, egunean eta orduan egingo da.

11.- Aurkeztu beharreko agiriak: Lizitatzailleek administrazio-baldintzen Pleguan adierazitako agiriak aurkeztu beharko dituzte.

12.- Kontratua gauzatzeko baldintza bereziak: Sozialak eta ingurugirokoak (ikus klausula berezien 11. eta 12. atalak).

Hitz egiteko txanda eman ondoren, bildutakoek proposamenarekiko adostasuna azaldu dute.

Bozketa eginda, aho batez onartu da proposamena.

**- BEASAINGO BARRENDAIN PLAZA BERRURBANIZATZEKO OBRAK PROZEDURA IREKI
ARRUNTEZ KONTRATATZEKO PROIEKTU ETA ADMINISTRAZIO-KLAUSULEN AGIRIA
ONARTZEA. 2025PROB0013**

Lurralde Batzordeko proposamenaren berri eman da: Aipatutako obrak kontratatzeoko proiektua eta baldintza administratiboa onartzea eta lizitazioa, deialdia publikoaren bidez egitea Euskadiko kontrataziorako plataforman argitaratuz.

1.- Prozedura: irekia publizitatearekin. Lizitazio elektronikoa.

2.- Izapidetzea: arrunta eta irekia

3.- Lizitazio prezioa: 1.289.901,36 € + 270.879,28 € (BEZ)= 1.560.780,64 €

4.- Egikaritze epea: 6 Hilabete. Obrak 2026-01-12an hasi beharko dira.

5.- Klasifikazioa: G taldea, 6 azpitaldea eta 4. Categoria.

6.- Kaudimen teknika: Obra burua (Arkitektoa, arkitekto teknika, eraikuntzako ingeniari teknika edo goi mailako ingeniaria, %80etik gorako dedikazioarekin), obraren arduraduna (Titulazio jakinik gabea. %100eko dedikazioa).

7.- Aurkezteko epea eta lekua: 26 eguneko kontrataziorako plataforman iragarkia argitaratu eta hurrengo egunetik kontatzen hasita . Lizitazio elektronikoa.

8.- Adjudikazio irizpideak:

Formula automatikoen bidez baloratzen ez diren irizpideak (40 puntu)

Memoria teknika: 3 azpirizpide (25 puntu)

Formula automatikoen bidez puntuatzeko irizpideak. (60 puntu)

Eskaintza ekonomikoa. 50 puntu.

Pleguan ezarritako berme epea handiagoa proposatzea: 10 puntu.

9.- Proposamenak irekitzeko lekua, eguna eta ordua: plika irekitzea kontratistatzailearen profilean argitaratzen den tokian, egunean eta orduan egingo da.

10.- Aurkeztu beharreko agiriak: Lizitatzailleek administrazio-baldintzen Pleguan adierazitako agiriak aurkeztu beharko dituzte.

11.- Kontratua gauzatzeko baldintza bereziak:

Kontratua egikaritzeko langile berriak kontratatzea beharrezkoa balitz eta enpresa kontratistak edo azpikontratistak emakumeen ordezkaritza ez orekatua balu langileen artean, kontratua egikaritzeko eta egikaritze epe osoan zehar, gutxienez ere, emakume bat kontratatu beharko du langile berri moduan edo, gutxienez ere, aldi baterako kontratatutako emakume bati kontratu mugagabea egin beharko dio. Langile multzoa ez orekatua dela ulertuko da emakumeak guztizko langileen %40a iristen ez direnean.

Hitz egiteko txanda eman ondoren, bildutakoek proposamenarekiko adostasuna azaldu dute.

Bozketa eginda, aho batez onartu da proposamena.

- GIPUZKOAKO URAK, S.A.REKIN EGINDAKO HITZARMENA ONARTZEA, BEASAINGO BARRENDAIN PLAZA BERRURBANIZATZEKO OBRAK EGITEKO, AURREKOA BERTAN BEHERA UTZIZ. 2025PROB0013

Ezagutza eman da, 2025PROB0009 espedientetik eratorritako obren kontratazioa zela eta, beste hitzarmen bat onartu eta sinatu zela, baina Tokiko Gobernu Batzarrek 2025-07-24an erabaki zuenez, lizitazio hori indarrik gabe uztea proiektuarekiko alegazio bat aurkeztu zelako, onartutako hitzarmena ere ezin da gauzatu.

Oraingo lizitaziorako obra-proiektua aldatu ondoren, berriro prestatu dira pleguak, aurrekoaren helburu berarekin (Barrendain plaza urbanizatzea). Proiektuaren xedeak barne hartzen ditu Udalak bere gain hartuko dituen urbanizazio-obrak eta Gipuzkoako Urak, S.A.k bere gain hartuko beharrezkoak, hain zuzen ere, egungo ur horniduren sarea eta ur hornidura eta estolderia azpiegitura aldatzea.

Egin beharrezko obrak aurreko hitzarmenarekiko ezberdinak ez badira ere, aurrekontua aldatu egiten da, eta fakturatzeko modua eta ordainketa ere aldatu egiten dira.

Horrez ondorioz proposatzen dena da:

Lehenik: 2025eko ekainean Gipuzkoako Urak, S.A.rekin sinatutako hitzarmena indarrik gabe uztea.

Bigarren: Beasaingo udala eta Gipuzkoako Urak, S.A.rekin Barrendain plaza berrurbanizatzeko obrak direla eta ondorengo estipulazioak dituen hitzarmen berria sinatzea:

“LEHENIK: HELBURUA. Hitzarmen honen xede nagusia bikoitza da:

- Plaza eta kalearen urbanizazioa berritu eta irisgarritasuna hobetu.*
- Ur hornikuntza zein ur zikinen azpiegituran matxurak murriztu.*

BIGARREN: KONPOKETA LANEN ZEHAZTAPENA

Obren edukiari dagokionez, egokitze lanak hauexek dira:

- Urbanizazio lanak. Egungo plaza, espaloiak eta errepedeak eraitsi, onartutako Proiektuan zehazten diren azaleretan egungo espaloiak eta errepedeak eta lurpeko instalakuntzak berritu.*
- Ur hornikuntza hoditeria eta estolderia azpiegitura berritu, egun dagoen saneamendu sistema bateratua bitan banatuz, euri urak eta ur zikinak hoditeria ezberdinetan jaso ahal izateko.*
- Egungo ur hornidura sarea guztiz aldatu.*

Lan hauek guztiak burutu ahal izateko Proiektuak beharrezkoak diren obra atalak zehazten ditu.

HIRUGARREN: FINANTZAZIO KONPROMISOAK

Obretatik ondorioztatutako gastuak, Beasaingo Udalak eta Gipuzkoako Urak ordainduko dituzte:

- Beasaingo Udalak plaza, espaloien eta errepedearen eta euri uren sarearen konponketa lanen gastuei aurre egingo die.*
- Gipuzkoako Urak aldiz, ur hornidura sarearen eta ur zikinen sarearen berrikuntza lanak hartuko ditu bere gain.*

LAUGARREN: GASTUEN BANAKETA ETA AURREKONTUA

Gastuen banaketa

GIPUZKOAKO URAK 152.219,08 € + BEZ

BEASAINGO UDALA 1.137.682,28 € + BEZ

Gastuen banaketa, hitzarmen honi atxikitzen zaion aurrekontu bananduaren arabera burutuko da. Obra lanak bukatzean, azken neurketetan esleitutako aurrekontutik alderik balego, hauen izaeraren baitan gain hartu beharko dituzte Gipuzkoako Urak nahiz Beasaingo Udalak.

Obra Zuzendaritza eta Obra Gauzatzeko Zuzendaritza gastuei dagokienean, Gipuzkoako Urak ur hornidura eta ur zikinen sareari dagozkionak hartuko ditu bere gain eta Beasaingo Udalak aldiz, gainontzeko lanei dagokiena.

Aldiz, Obraren Segurtasun eta Osasun koordinatzailearen gastuak Beasaingo Udalak hartuko ditu bere gain.

Aurrekontua

Horretarako bi alderdiek honakoa dute aurreikusita kontabilitate eta aurrekontu agirietan:

- *Beasaingo Udalaren aurrekontu aplikazioa: 1 0350.601.153.20.04 2025 Kontusaila.*
- *Gipuzkoako Urak-en 2025 aurrekontua.*

Finantza konpromiso hauek jasangarriak dira guztiz, urriaren 1eko 40/2015 legeko 48.5 artikuluari begira. Eta ekarpen ekonomiko hauek ezin dituzte inola ere, hitzarmenaren exekuzioaren ondoriozko gastuak gainditu, 40/2015 legeko 48.6 artikulua betez.

BOSGARREN: ALDERDIEN BETEBEHARRAK.

Obraren kontratazio espediente osoa, hasieratik bukaerara, Beasaingo Udalak gauzatuko du, Sektore Publikoko Kontratuen 9/2017 Lege-testu bateratuari jarraituz. Kontratazioaren helburuan, hitzarmen honen bigarren estipulazioan jasotako lan guztiak aurreikusiko dira.

Obrak eragin zuzena izango du bai oinezkoen pasabidean bai motordun ibilgailuen trafikoan. Horregatik, obra hasi aurretik obra zuzendaritzak, Beasaingo udaltzaingoarekin koordinatuko ditu beharrezko diren neurri guztiak. Obran zehar oinezkoen zein ibilgailuen segurtasuna bermatuko da une oro.

Enpresa kontratistak, obra-ziurtagiriak hileror aurkeztuko dizkio Beasaingo Udalari eta Gipuzkoako Urak-i. Obra-ziurtagiri horiek, Obra Zuzendariaren, Obra Gauzatze Zuzendariaren, Gipuzkoako Urak teknikarien (bere ataletan dagokienean) eta Beasaingo Udaleko teknikarien (bere ataletan dagokienean) oniritzia beharko dute.

Obra-ziurtagiri horietan, enpresa kontratistak, nahitaez bereiztuko ditu, alde batetik, kalearen urbanizazio lanen neurketak (euri-uren sarea barne) eta bestetik, ur hornidura eta ur zikinen sarearen lanak, proiektuko aurrekontuan bereizitakoaren arabera. Izan ere, Beasaingo udalak soilik, urbanizazio lanei dagokien gastua hartuko baitu bere gain.

Onartutako ziurtagiri bakoitzeko, enpresa kontratistak Beasaingo udalari eta Gipuzkoako Urak-i bakoitzari dagokion faktura igorriko die.

SEIGARREN: HITZARMENAREN IRAUPENA

Hitzarmenaren iraun-aldia obren exekuzioaren menpe egongo da. Lanak amaitu ondoren, obren “harrera formala”, bi aldeek izenpetutako akta bidez, burutuko da. Akta honen bidez emango dira obrak amaitutzat.

Gehienera ere lau urteko iraupena izango du, “obren zuinketa akta” konprobatu eta obrak exekutatzen hasten direnetik kontatzen hasita, beste lau urtez luzatzeko kalterik gabe.

ZAZPIGARREN: JARRAIPEN, ZAINZA ETA KONTROL MEKANISMOAK:

Hitzarmenaren betearazpenaren eta sinatzaileek hartutako konpromisoen jarraipena, zaintza eta kontrola egiteko, eta hitzarmena interpretatzean sor daitezkeen zalantzak argitzeko, batzorde bat sortuko da, kide hauek osatua:

- Udal-erakundearen aldetik, Lurralde Batzordeko zinegotzi arduraduna eta Lurralde Saileko zerbitzu burua.*
- Gipuzkoako Urak-en aldetik, Joxemi Telleria eta Teresa Peñalba.*

ZORTZIGARREN: ALDERDIEN ARTEKO JAKINARAZPENAK ETA KOMUNIKAZIOAK

Hitzarmen honen esparruan egiten diren jakinarazpenak eta komunikazioak honako pertsona hauei bidali beharko zaizkie:

- Udalaren aldetik: Lurralde Saileko zerbitzu buruari.*
- Gipuzkoako Urak-en aldetik, Teresa Peñalba andreari.*

BEDERATZIGARREN: ONARTUTAKO BETEBEHARRAK ETA KONPROMISOAK EZ BETETZEAREN ONDORIOAK:

Sinatzaileetako batek onartutako betebeharrak eta konpromisoak beteko ez balitu, ez betetzea burutu duen alderdiari jakinarazpena helarazi beharko zaio, epe jakin baten barruan bete ez direla uste den betebeharrak eta konpromisoak bete ditzan. Ezarritako epea amaituta, ez betetzeak jarraituko balu, hitzarmena suntsiarazi egingo da.

HAMARGARREN: HITZARMENA BERTAN BEHERA GERATZEA:

- 1- Epea amaitutakoan.*
- 2- Bi aldeek espresuki horrela adosten dutenean.*
- 3- Alderdiek beren gain hartutako betebeharrak betetzen ez dituztenean.*
- 4.- Hitzarmena baliogabetzat jotzen duen erabaki judiziala egoteagatik.*

Hitzarmena suntsiarazteak azkendu egingo ditu alderdiek onartutako betebehar eta konpromisoak, eta baita prestazioen likidazioa ere. Helburu horietarako, aplikagarria izango da Sektore Publikoaren

Araubide Juridikoaren Legearen 52. artikuluan xedatutakoa, suntsiaraztearen ondorioei eta likidazio eta kalte ordainen araubideari dagokienez.

Hitzarmenaren helburuak bete direla ulertuko da haren xedea burutu bada bi alderdientzat onargarriak diren baldintzetan.

Egikaritze prozesuan dagoen jarduketarik egongo balitz, alderdiek, jarraipen, zaintza eta kontrol batzordearen proposamenari jarraituta, abian dauden jarduketan jarraipena eta amaiera adostu ahalko dute, horiek amaitzeko epe luzaezina ezarrita.

HAMAIKAGARREN. HITZARMENAREN IZAERA ETA JURISDIKZIO APLIKAGARRIA:

Urriaren 1eko 40/2015 Legearen 47. artikularen arabera, hitzarmen honen izaera juridikoa administratiboa da, eta, ondorioz, administrazioarekiko auzien jurisdikzioa da eskumena duena.

Hitzarmen honen aplikaziotik erator litezkeen interpretazio, aldaketa, suntsiarazte eta ondorioen inguruan ager litezkeen gatazkak alderdien arteko akordio bidez ebatziko dira eta, halakorik ezean, alderdi hauek administrazioarekiko auzien jurisdikzioaren eskumenekoak izango dira.

Eta aurreko guztiarekin adostasun frogatzat, bildutakoek hitzarmen hau sinatu dute goiburuan adierazitako tokian eta egunean."

Hitz egiteko txanda eman ondoren bildutakoek proposamenarekiko adostasuna azaldu dute.

Bozketa eginda, aho batez onartu da proposamena.

- GIPUZKOAKO FORU ALDUNDIKO KOTRATAZIO ZENTRALA: ERAIKUNTZETAKO INSTALAZIO TERMIKOAN MANTENTZE-ZERBITZU KONTRATUAREN LEHENENGO LUZAPENA. 2023ZEBO0029

Ezagutzera eman da ondorengo proposamena:

*"Gipuzkoako Foru Aldundiak, Kontratazioen Zentralaren bidez, **EULEN S.A (IFZ A28517308)**, enpresarekin burutu zuen espedientearekin bat egin duten foru eta udal erakundeentzat, "eraikuntzetako instalazio termikoan mantentze zerbitzua" (X23003 espediente) kontratatzeko Esparru-Akordioa.*

Esparru Akordioak bi urterako iraupena zuen 2023eko urriaren 9tik aurrera eta urtebeteko bi luzapen egin ahal izango dira.

Beasaingo Udala esparru akordio horri atxikitutako bat izanda, eta zerbitzua beharrezkoa denez,

Proposatzen da :

*zerbitzu kontratu eratorria, esparru akordioa burutu den enpresari kontratuaren **1. LUZAPENA** formalizatzea ezarritako baldintza administratiboen eta teknikoak kontutan hartuta eta proposamen ekonomikoaren*

2.- Luzapenak 2025eko urriaren 9an sartuko da indarrean eta urte bateko iraupena izango du.

3.- Baimentzea eta xedatzea EULEN S.A. (I.F.Z. A A28517308) enpresaren alde, luzapena irauten duen epeari, 36.886,89 €ko gastua, BEZik bage. (ikus 1.eranskina)."

Hitz egiteko txanda eman ondoren bildutakoek proposamenarekiko adostasuna azaldu dute.

Bozketa eginda, aho batez onartu da proposamena.

b.- Obra ziurtagiriak:

- MUSIKA ESKOLA ZAHARBERRITZEARI BURUZKO 2.OBRA-ZIURTAGIRIA.
2025PROB0002

Aho batez onartu da, "Musika Eskola Zaharberritzeari buruzko" 2. obra-ziurtagiria, 167.626,53 €koa (BEZ barne).

- BEASAINGO HAINBAT URBANIZAZIOEN ERALDAKETAKO OBRA LANEN 1
ZIURTAGIRIA.

Aho batez onartu da, "Beasaingo hainbat urbanizazioen eraldaketako obra lanen" 1. obra-ziurtagiria, 75.627,49 €koa (BEZ barne).

4.- ESKAERA ETA GALDERAK

Eskaera eta galderen atalean ez da inolakorik aurkeztu.

Eta tratatzeko besterik ezean, bilera arratsaldeko hamazazpi eta berrogeita zortzi minututan amaitu da eta nik, idazkari naizen honek, akta hau idatzi eta sinatu dut.